

Sebastian rangkul 3 emas



Jerriel, Terence turut curi perhatian gegar Pusat Akuantik Hang Jebat

Ayer Keroh: Perenang kebangsaan, Sebastian Soon menyumbang tiga daripada lima pingat emas yang diraih Taylor University pada hari pertama Pesta Sukan Pendidikan Tinggi (HESF) di Pusat Akuatik Hang Jebat, di sini, semalam.

Lebih bermakna, perenang muda itu turut memecahkan dua rekod kejohanan menerusi acara 400 meter gaya bebas lelaki dengan catatan 4 minit 11.19 saat dan acara 200 meter rampaian lelaki (2:11.50s). Pingat emas ketiganya diraih menerusi menerusi acara 800 meter gaya bebas.

Rakan sepasukannya, Terence Ng Shin Jia turut me-

nyumbang emas menerusi acara 200 meter kuak lentang selain Shannen Kay Chan yang mengungguli saingan 50 meter kuak kupu-kupu wanita. Kejutan di kolam renang turut dilakukan bekas perenang Majlis Sukan Sekolah-Sekolah Malaysia (MSSM), Jerriel Lau yang membuat penampilan pertama mewakili City University.

Jerriel menyapu dua emas dengan dua rekod baru kejohanan dalam acara 100 meter kuak lentang dan 400 meter gaya bebas wanita.

Dia mengecewakan pere-nang pilihan, Angela Chiu Chen dari Universiti Putra Malaysia (UPM) yang menyinar dengan

empat emas pada hari pertama HESF 2018.

Turut merangkul pingat emas dalam acara renang, semalam adalah Kilian Ung Shuhuan dari Universiti Pendidikan Sultan Idris (UPSI) menerusi acara 100 meter gaya bebas lelaki dengan rekod baharu dan seorang lagi perenang kebangsaan, Bell Hollmax dari UPM dalam acara 50 meter kuak kupu-kupu lelaki.

HESF edisi kedua ini mempertandingkan lima acara sukan iaitu renang, bola tampar, ping pong, petanque dan bola keranjang 3 lawan 3 membabitkan 31 kontinjen dengan penyertaan 678 atlet.

29 OKTOBER - 2 NOVEMBER 2019
PUSAT AKUATIK HANG JEBAT



Dr Pekan Ramli (kiri) dari Unit Sukan Cawangan Operasi Strategik Kementerian Pendidikan bersama pemenang selepas menyampaikan hadiah.